



Шочмо эл, порылык да чын верч!

Б У Д Ъ Г О Т О В /

9-ше (3709) №,  
2025 ий 7 март,  
кугарня



0+

# Ямде лий

1933 ий 1 февраль годсек лектеш.

8 Март – Ёдырамаш-влакын  
тўнямбал кечышт.



«Чевер Ёярня»  
тангасымаште могай  
команде пайрем  
йўлам эн сайын пален?



3-шо лаштык



Ава - врач,  
туныктышо, ўшанле  
энертым да поро  
йолташ...

4-5-ше лаштыкла



Камский, Альма, Саня,  
Муся - йоча-влак ныл  
йолан йолташыштан  
могай сылне

лўмым пуат.



6-шо лаштык



Моисеевтым еш. В.Мустаеван фотожо.

## Тўням сылнештараш шочыныт

QR-код пол-  
шымо дене  
«Ямде лий»  
газетым вот-  
кылыште лу-  
дын кертыда.



Роза, висвис, тюльпан... Тў-  
няште мынар тўрлў пеледыш  
кушкеш, тынарак тўрлў ўдыр-  
влак улыт. Нунат ты ныжыл куш-  
кыл семынак тўням сылнешта-  
раш шочыныт. Арам огыл шошо

тўналгыште, пўртўс ылыжме  
жапыште, эн волгыдо пайремым,  
Ёдырамаш-влакын тўнямбал  
кечыштым, палемдена.

Умбакўже – 4-ше  
лаштыкыште.

## Российысе увер

Журналист, фотограф але блогер лийнеда? Медиа тўням шымлаш кумылда уло? Тугеже «МедиаПритяжение» всероссийский проектш ушныза.

Йодмашым 19 май марте колташ лишеш. Кумданрак – [projects.pervyue.ru](http://projects.pervyue.ru) сайтыште.

Сўретлаш йоратыше-шамыч мастарлыкштым «Мир будущего глазами ребёнка» конкурсшто терген кертыт. Тангасымашке 31 март марте ушнаш йон уло. Кўлеш уверым [tuntuk.ru](http://tuntuk.ru) сайтыште рашемдыза.

Эх, каяш ыле эрмитажыш... Тыгай шонымашда уло гын, тоштерын [hermitagemuseum.org](http://hermitagemuseum.org) сайтышкыже пурыза да «Виртуальный визит» манмым ойырыза. Тыланда төнжын кажне пөлемже «почылтеш».

## Марий Элысе увер

23 апрельште Советский район Ронго кыдалаш школышто «Национальный герой» шымлыме да усталык паша республикысе конкурс эртаралтеш. Тушко 1-11-ше класслаште тунемше-шамыч ушнен кертыт. 20 апрель марте [nationalhero23@mail.ru](mailto:nationalhero23@mail.ru) адрес дене электрон почтыш йодмашым колтыман.

Шочмо элым аралышын идалыкшылан пөлеклалтше республикысе усталык конкурсыш ушныза. Тудын радымыште сўрет, сылнын лудмаш да сочинений номинаций-влак лийыт. Паша-шамычым 14 март марте вучат. Тичмаш увер – [rv12.ru](http://rv12.ru) сайтыште.

27-30 мартыште Йошкар-Олаште Сенгымашын XXX идалыкше лўмеш тўвыра полатыште «Михаил Мурашко йолташыже-влакым ўжеш» XIII тўнямбал конкурс-фестиваль эртаралтеш. Тушто куштышо да хореограф-постановщик-шамычын усталыкштым аклат.



## «Юнармийыште» – самырык тукым

Йошкар-Оласе 3-шо номеран школ йоча-влакым ончыкылык илышлан пенгыдын ямдыла. 2007 ий гыч тыште кадет толкын вияншеш. Кугурак класслаште тунемше-шамыч чыланат кадет радамаш ушненит. Нуно школын чапшым тўрлө конкурсшто аралат да шольо-шўжарыштлан пример улыт.

27 февральште ты школышто «Роль общественных движений школы в гражданско-патриотическом воспитании» семинар эртаралтын. Туныктышо-шамыч пашашт дене палдареныт. Кумшо класслаште тунемше-влакым «Юнармий» радамаш пуртеныт. Ёдыр-рвезе-шамыч, товатмутым пуымеке, уна-влакын кидышт гыч

личный книжкаштым налыныт да «Юнармийын» чапмурыжым рўжге муреныт. Пайремыште шуко уна, ача-ава, туныктышо-шамыч лийыныт.

– Юнармеец тыглай лўм гына огыл, тиде илыш. Те товатмутдам шуктыза да элнан чын ўдыр-рвезыже-влак лийза. Ончылно тендам моткоч онай илыш вуча. Сандене шенгелне ида шўдырныл, эре ончыко ошкылза! – ойлен Йошкар-Оласе туныктыммо управлений вуйлатышын алмаштышыже Р.Л.Чемехова.

**Е.СЕРГЕЕВА.**

Снимкыште: 3-шо «В» классыште тунемше-влак. Авторын фотожо.

## Черетан сенгымаш



1 мартыште Чебоксар олаште муай-тай дене Чуваш Республикын первенстве эртаралтын. Тушто Чуваш, Татарстан, Мордовий, Марий Эл республик-ла, Виче кундем гыч ўдыр-рвезе-влак танасеныт. 4-ше номеран Медведево школышто 3-шо «Д» классыште тунемше Венера Ларионова шке нелытан спортсмен-шамыч коклаште шортнў медальым сегоен налын. Ёдыр тренерже Д.Л.Текутьевлан таум ойла. Нуным снимкыште ужыда. Шокшын саламлена да у сенгымашым тыланена.

**Х.АЛЕКСАНДРОВА.**

Фотом еш архив гыч налме.

# Ўян арня – Ўярня



«Кечейол» команде.

Кужәнер район  
Рум Шой школ гыч ўдыр-влак.

Марий калыкын ик эн йоратыме пайремже – Ўярня. Арня жапыште мелнам кўэшттыт, вашла унала коштыт, курык гыч мунчалтат. Икшыве-шамычлан Ўярням Республикысе марий тўвыра рўдер ий еда эртарат. Тений теле дене чеверласаш, шошым вашляш Шернур район Кукнур селаште погыненыт.

Тагасымашке республикын куд районжо гыч 12 команде ушнен. Уна-шамычым Марий тўвыра рўдерым вуйлатыше И.Г.Якаева, Шернур районысо образований да самырык-влакын пашашт шотышто пълкам вуйлатыше Т.Л.Левина, Кукнур кыдалаш школ директор Ю.С.Горинава вашлийыныт.

## Мелна чеверрак – идалык уланрак

Подкогыльо, салмамуно, эгерче, перемеч, шокта – пайрем ўстел лыг темын. А мелнаже мыняр тўрлў лийын?! Кече гай йыргешке команмелнажат иктыже весыж деч чеверракла чучын. Икшыве-влак рецептм кычалыныт, кўэштыныт, ўмбачшат, йымачшат ўй дене шўрен, «Ўярня мелна» конкурсыш аклаш конденыт. Теве Шернур районысо Марисола кыдалаш школын «Шож мелна» командыже шым тўрлў мелнам ямдылен: шўрашаным, паренганым, шогананым, вичкыжым... У Торьял школын «Ўярня –



Шернур район  
Лажьял кыдалаш  
школ

тукым пашма» командыже мелна кышылым «Тыныслык» манын лўмден.

## Мурашат мастар, кушташат тале

Пеш талантан улыт йоча-влак. Конкурсын йодмыж почеш, кажне командылан икмыняр мут пуалтын. Икшыве-влак, нуным почеламут корнылаш савырен, такмакым йонгалтареныт. Муру аршаш пеш писын «шочын», куштымашат тыманмешак шындалтын.

## Шошо озаланаш ямде

Умбакеже пайрем Йўштў Кугызан илемыштыже шуйнен. Тушто Йўштў Коча ден Лумўдыр вес теле марте чеверласеныт. Икшыве-влак кудывечым пырля кондымо ўярня кувашт дене сўрастареныт. Тудым тошто йўлам шотыш налын ямдыленыт.

– Ме чучылым олым гыч ыштенна. Тошто вынер тувырым чиктенна, шымакшым шынденна. Тудо чыла нелым, осалым пеленже напгая, шокшылан, волгыдо илышлан корным почеш. Ме чучылым йўлалташ ямдыленна. Садлан тудлан чурийым сўретлаш, лўмым пуаш ок йўрў. Тек тудо чондымо коदेश, – палдара Шернур район Лажьял кыдалаш школын «Лумпеледыш»

командыжын участникше Алиса Бусыгина.

## Лектышан идалык верч

«Ўярня годым курык гыч мыняр торашке мунчалтен волет – тунар кужу шурно лиеш», – маныт калыкыште. Тугеже тений сай лектышым вучыман. Йўштў Кугызан илемысе курык моткоч яклака, кўкшў. Йоча-шамыч пеш торашке мунчалтен воленыт. Тыгак команде-влак салмавондо дене куржталыныт, шўшканьече дене мунчалтеныт да шуко онгай модышышто писылыкыштым, чолгалыкыштым тергеныт.

– Усталык шўлышан пайрем моткоч сылын эртен. Модмаш-влак пеш онгай лийыныт, курык гыч мунчалтымаш поснак келшен. Ты кече ўмырешлан шарнымашеш коदेश, – ойла Параньга район Матародо кыдалаш школын «Кечейол» командыжын ик чолга ўдыржў Арина Максимова.

## Ойыртемалтше команде

«Чевер Ўярня» конкурсын кажне йыжынжым иктешлен, тыгай лектышыш шуыныт. 1-ше верыш Параньга районысо Матародо кыдалаш школын «Кечейол» командыже лектын; 2-шо верым Шернур районысо Марисола кыдалаш школын «Шож мелна» командыже налын; 3-шо вер дене У Торьял кыдалаш школын «Ўярня – тукум пашма» командыже палемдалтын.

О.МОШКИНА-МАЙКОВА.  
Авторын фотожо-влак.



## Эн шерге улат!

Эн шерге тый улат, ешем:  
Эн поро, ныжыл аваем,  
Эн патыр, лишыл ачаем,  
Ушан коча ден коваем!

Авай!

Пашалан шўлышым пуртет,  
Палем, осал деч аралет.  
Ньогам ончет, ньогам куштет,  
Йўд-кече тудын дек вашкет!

Ачай!

Ила маска вий шўмыштет,  
Чыла моштет, чыла сенет!  
Мый тый дечет со тунемам,  
Мый тыйын гай виян лиям!

Коча ден коваем!

Тендам моткочак йоратем  
Да шокшыда ден мый ырем.  
Мутда эн поро, эн ушан,  
Тендан пелен лияш – куан.




Эн шерге тый улат, ешем!  
Шўжар ден шольым  
пеш вучем!  
**Антонина ТИХОНЬКИНА.**  
*Медведево, Сенькан.*

## Лишыл йолташем

Авам – мыйын лишыл йолташем. Людмила лўмжō авамлан пеш келшен толеш. Тудо поро кумылан, сай ава. Мыланем тунеммаште ой-кагашдене полша, уда отметкым налап гын, шылтала. Кумылжым нōлташ манын, «визытаным» налаш тыршем. Тудлан тўрлō сомылым ышташ полшем. Мый авам дене кугешнем да йоратем.

**Вадим ПЕРЕСЁЛКОВ.**  
*Советский, Кельмаксола.*



## Тўнjam сылнештараш шочыныт



*Тўналтышыже – 1-ше лаптыкыште.*

Йошкар-Олаште илыше Моисеевмыт еш ты кечым чон вургыж вуча. Артемий, Данимир да нунын ачашт, Александр Витальевич, ешыште улшо ўдыр-влак-лан пōлекым кучыктат. А пелаш да ава, Надежда Альбертовна, йоратыме ўдыр да шўжар-влак, Дарина ден Есения, пōрбен-шамычлан пайрем сийым ямдылат. Ўдыр-влак сурт озаватын тўн полшышкалышыже улыт.

– Ўдыр эн ондак примерым ава деч налеш: кузе тудо шкенжым куча, кузе мутлана, момчия, кузе сурт сомылкам ышта... Нўно поро кумылан, пашаче лийышт манын, изинек моторлыкым ужаш, пашам йораташ тунуктем. Дарина кидпашалан кумылан, мыйым ончен, тўрлаш тунемеш. Есения але изирак, вес гана тудымат кумылан ден, – оила самырык ава.

Шуко икшыван ешыште яра шинчаш огыт йорате. Артемий

Советский район Ўшнўр кыдалаш школышто 8-ше классыште шинчымашым пога. Данимир Калыкле сымыктыш гимназийыште 3-шо классыште тунемеш, баяным шокташ кумылан. Дарина Йошкар-Оласе 9-ше номеран школышко 1-ше классышке коштеш, 7-ше номеран Йоча сымыктыш школышто скрипкым шокташ тунемеш. Идалыкаш Есения аваже пелен «Тулпеледыш» ансамблыш коштеш. Артемий «Онар» йоча ансамблыште ятыр жап, вара «Эрвелмарий» калык ансамблыште куштен. Дарина ден Данимир (**снимкыште**) изаштын корныжым шуят, «Онарыш» коштыт. Надежда Альбертовна тўрлаш мастар. Икымше лаштыкысе фотошто ўдыржō-влак тудын тўрлымō тувырым чиеныт, вуйчиышым пидыныт.

– Кажне канышлан шочмо кундеммыш коштына. Ялыште суртна уло, тудымат эскерыман. Телым йоча-влак дене пырля лумым эрыктена, кеҗежым пакчасаскам куштена. Каникуллан иктаж оҗай верыш миен толаш тыриена, – палдара Надежда Альбертовна.

Врач, психолог, туныктышо, ўшанле йолташ да молат – чыла тиде сомылым Надежда да моло ава-влак шуктат.

Мотор, поро, шыма ава, кова да ўдыр-влак, пайрем дене! Коштмо корныда волгыдо, капда лывырге, уш-акылда пўсō лийже.

**О.МОШКИНА-МАЙКОВА.**  
*Фотом еш архив гыч налме.*

## Кечыйол гай

Уло мыйын аваем,  
Эн чот шерге мыланем.  
Эрден шупшалын кынелта,  
Школыш мыйым ужата.  
Кечыйол гай ырыкта,  
Лай мардеж гай шымата.  
Пашам ышташ тунукта,  
Авам мыйым йората!

**Зарина САБИТОВА.**  
*Татарстан, Мензела, Калтак.*

## Мотор да сай

Мыйын авам, Алевтина Николаевна, пеш шыма марий ўдырамаш. Кызыт «Звениговский» совхозышто пашам ышта, ондакше кевытче лийын. Тудо пеш мотор, сай айдеме. Икшывыже, уныкаже-влак-лан эре полша. Авамым чот йоратем, тудын дене кугешнем.

**Дама ЗОРИНА.**  
*Морко, Энгерсола.*

## 8 Март пайрем дене!

### Авам – медшўжар



Йўратыме аваем – Эльвира Алексеевна Дмитриева (**снимкыште**). Тудо Сотнур селасе эмлымверыште медшўжарлан ятыр ий пашам ышта. Шым шочшан ешыште кушкын. Изинек ача-ава-лан сурт кокласе сомылым ышташ полшен. Авам йоча жапшым эн пиалан пагытлан шотла. Тудо шке пашажым йўрата. Мый авамлан кўмыж-совлам мушкаш, кочкаш шолташ, арулыкым эскераш полшем.

Йўратыме аваем, пайремет дене саламлем! Мый тыйым моткоч пагалем!

*Рафаила ДМИТРИЕВА.  
Волжский, Сотнур.*

### Чонжо икшыве пелен

Ава. Эн шерге, эн лишыл, эн поро. Тудын шокшыж дене ырен, эр ўжара дене школыш ошкылына. Кастене, окна тулым ончен, мўнгў пўртылына. Пайдале ой-кагашым пуэн кертмыжым пален, чонышто погынышо шонымашым тудлан каласена. Изи сенгымаш-наMAT, кугу куаннаMAT ава дене пайлена. Ава уло гын, кеч-могай тўрсырым сенаш куштылгырак. Мыят авамым моткоч йўратем! Пайрем дене саламлем. Кужу ўмыран лий, авай!

*Юлия ЯГОДАРОВА.  
Советский, Кельмаксола.*

### Поро коваем

Ковам (**снимкыште**) пеш поро кумылан, мотор, ушан. Мыйым колышташ, мыланем полшаш кеч-кунам ямде. Ковам дене жапым эртараш моткоч келша. Телым ече дене мунчалтена, кенежым пўртўс лонгашке коштына. Татьяна Васильевна Руш Шой школышто руш йылмым да литературым туныкта. Книгам лудаш йўрата да мыйымат кумыланда. Ковамым сылне шошо пайрем дене саламлем!

*Валерия КРЫЛОВА.  
Кужнер, Руш Шой.  
Фотом еш архив гыч налме.*



### Кумылем вўчка

Авам Снежана Вячеславовна Звенигово район Красногорский посёлкышто пашам ышта. Тудо тўрлў ой-кагашым мыланем пуа. Пайремлан когылым, мелнам пырля кўэштына. Авамым моткоч йўратем да 8 Март дене саламлем.

*Алина БИРЮКОВА.  
Звенигово, Поянсола.*



Мыйын уло шўжарем, Тудым пешак йўратем. Кажне кечын пеленем Йочасадыш нангаем.

Палыме тудын дене лийза, Лўмжў сылне-сылне – Лиза. Тудо кум ияш гына, Огеш ўр, чолган ойла.

Шогалеш да муралта, Тавалтен вара колта. Тудым мый куандарем, Совым шокшын пералтем.

Коктын пырля модына, Книгамат ме лудына. Авалан пеш полшена, Ваш келшалын илена.

*Полина УРТЬЕВА.  
Волжский, Пўтўял.  
Снимкыште: Полина ден Лиза.  
Фотом еш архив гыч налме.*

### Чот йўратем

Ава! Ик мут, а вийже могай кугу! Тудым сандалык дене танастараш лишеш. Авам йўратен, аклен моштет гын, илышет пиалан да куштылго лишеш. Мыйын авам, Анасталия Владимировна, паша гыч нойышо толеш. Тудо «Звениговский» совхозышто пашам ышта. Кечыгут йол ўмбалне шога. Толмешкыже, ачам дене сурт сомылкам ыштена. Пайрем вашеш авамлан тыге ойлем: «Мый тыйым пешак йўратем. Эре тыгаяк весела кумылан лий!»

*Дима НИКОЛАЕВ.  
Морко, Арын.*



## Камский

Мыйын пиемын лүмжө – Камский (снимкыште). Нылвич ияшем годым тудым Кама энгер воктенысе ял гыч конденыт, сандене тыге лүмдым. Камский кугу, онжо ошо, а шкеже шемалге. Тудо пеш ушан. Мемнан дене пырля модаш йората, колым к у ч ы м а ш т е шып шинча – колым вуча. Эн йоратыме кочкышыжо – луан шыл. Шольым дене когыньнан школ гыч толмынам вуча, ваштарешна почшым рүзен куда толеш да тёрштылаш тўналеш. Ме тудым чот йоратена.



**Богдан ФЁДОРОВ.**  
Морко, Эгерсола.

Фотом еш архив гыч налме.

## Саня куголя

Портыштö илыше куголям авамын йолташ ўдыржө дене икымше гана ужынам. Моткоч келшен. Куголян озаже Саням мыланна ашнаш пуэн. Мый тудым шке ончем: клеткыжым эрыктем, кочкашыже кечшудым, киндым, котлстым, колбасам пуэм, вўдым вашталтем. Тудо кидышке толеш, шўйышкемат кўза. Серёжа шольымат кидышкыже налеш. Саня йўдвошт клеткыште мала. Кок пырысна деч нимыняр огеш лўд. А нуныжо пеш кучен кочнешт, эсогыл клеткымат кумыктеныт, но огыт керт.

**Егор АНДРЕЕВ.**  
Морко, Канторьял.

Фотом еш архив гыч налме.

## Пырыс еш

Кова пырыс, ава да игыже. Нуно чыланат ик суртышто илат. Тыгайым чўчкыдын вашлийыда? Уке, очыни. Теве 2-шо номеран Кужэнгер школышто 1-ше классыште тунемше Марьяна Самойлова (снимкыште) кум тукым пырысше дене кугешна. Милашка кова ныл ияш, Муся ава – кокыт. Игылан ўдыр Лапка лўмым пуэн. Тудлан кенежым ик ий темеш.

Пырыс-влак коклаште вашкыл ныжылге. Тидын нерген Марьянан аваже, Екатерина Аркадьевна, каласкалыш:

– Кумытын пўкеныш шинчым да ваш-ваш пуныштым эрыктат. Кечывалым койгамбалне малат, но чыла эскерат. Кумытынат колям кучат. Ондакше аваже игыжлан кучен конда ыле. Пырысым ешыште чылан йоратена. Нуно мылан-



на айдеме гаяк лишыл да шерге улыт.

Ныл йолан йолташ-влаккан Марьяна онгай лўмым пуэда. Мутлан, пийже – Лэйси, ўшкыж-влак Арнольд ден Одуванчик улыт.

**Х.АЛЕКСАНДРОВА.**

Фотом еш архив гыч налме.

## Шонымашем шукталтеш



Мый Пётгьялыште илем. Кокымшо классыште тунемам. Изинеккак тўрлө янлык ден вольыкым йоратем. Мўнгыштö лудо, чыве, сўсна уло (снимкыште). А эше мый моткоч чот ушкалым, шорыкым да казам ашнынем. Ушанем, кугу лиймекем, шонымашем шукталтеш.

**Макар ПЕТУХОВ.**  
Волжский район.

Фотом еш архив гыч налме.

## Сурт орол

Поро йолташем – мыйын йоратыме прием (снимкыште). Тудын лўмжө – Альма. Ме тудым кандаш ий ончыч приют гыч налынна. Альма – эре пеленем. Йочасадышке каем, толмем вуча. Тудо машина дене кудалышташ йората. Омсам почмеке, вигак шинчеш. Альма мыланна лишыл, сурт орол.

**Дима ЕРШОВ.**

Йошкар-Ола, 80-ше номеран йочасад.

Фотом еш архив гыч налме.



• **Мастар кид** •

## Пайрем пөлек



Шке гыч ыштыме открытке кеч-көн кумылжым савыра.

Поро мутым возыза да лишыл еным пайрем кечын куандарыза.

**Күлеш:** *түрлө түсан картон, шүртө, фломастер, клей.*

Ош кагаз гыч тыртышым пүчса, түржым лодеманым ыштыза. Ты ужашым пенгыде картоныш шүртө дене лужкыдын пижыктыза. Ош онгыш, верым коден, түрлө лыжга мутым возыза. Онгым пүтырымө годым ик шомак весе дене вашталтшаш. Сүретым ончен, йошкар түсан картоным пүчса да тун деке клеитлыза. Рож деч күшнырак «Тый эн» манын возыза. Открыткым шонымыда семын сорастарыза.



## Мелна ончер

Үярня арняште Матародо школыштына мелна ончер эртаралтын (снимкыште). Меат Валентин изам дене мелнам күэштын намиенна. Руашым лугаш да күэшташ авана полшен. Үстембалне мелна кышыл моткоч шуко погынен. Вара ме йолташна-влакым сийленна.

*Дарья БУРКОВА.*

*Параньга район.*

*Фотом школ архив гыч налме.*

## Поро кумыл шергакан

8 Мартыште лишыл енлан могай пөлекым кучыкташ? Үдырвезе-влакын вашмутышт ямде.



**Артём ИВАНОВ** (Татарстан, Агрыз, Кучук): «Мыйын шонымаште, шоколад кумылым эн сайын нөлта.

Сандене пайрем кечын ты тамле сий дене нуным куандарем».

**Денис ИВАНОВ** (Одо кундем, Грак, Марий Вожай): «Үдыра маш кечын мый чы-



лалан тазалыкым да нимучашдыме пиалым тыланем. Пөлек шотеш тюльпаным кучыктем. Тек чыла үдыр-влак пеледышгай сылне лийыт!»

**А д е л и н а Я П А Р О В А** (Башкортостан, Пүрө, Кужнур): «Тыйым умылат, поро мутым каласат да пенгыдын ондалыт гын, шүм-чонлан моткоч ласкан чучеш... Мыланем тиде эн шерге пөлек. Тыгай шижмашым нимогай пөлек дене ылыжташ огеш лий».



*Е.СЕРГЕЕВА мутланен.*


• **Ушан ой** •

Кече ырыктыме семьянак, уло шүмет дене йоратен, тый, Ава, Айдемым ончен куштет!

*Дим.Орай.*

• **Калык пале** •

Лум ондак шулаш тунгалеш – шошо кужун шуйна.



0+

Марий Эл Республикасысе «Марий Эл» увер агентстве» КАУ.  
Директор – Е.И.КУЗНЕЦОВ.  
Тун редактор – А.Н.ГРИГОРЬЕВА.

Индекс П4696.  
Тираж 1550 экз.  
Заказ  
Формат – А-4-8.

**Учредитель-влак:**  
Марий Эл Республикасысе Тувыра, печать да калык-влакын пашашт шотышто министерстве, Марий Эл Республикасысе «Марий Эл» увер агентстве» КАУ.

**Редакций да издатель:** Марий Эл Республикасысе «Марий Эл» увер агентстве» КАУ, 424006, Йошкар-Ола, СССР Вооружённый Вийын 70-ше идалькыше урем, 20-шо порт. Тел. 8(8362) 45-22-82.

Газетым редакцийште погымо да верстатлыме, «Марий Эл Республикасысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Печатьыш пумы жап – 14-00, фактически – 13-00.

Авторын да редакцийын шонымашышт түрлө лийын кертят. Серыш-влак мөнгеш огыт колталт. Ак – кутырен келшыме почеш.

[https://vk.com/yamde\\_lii](https://vk.com/yamde_lii)  
<https://t.me/yamdellii>  
[yamde\\_lii@mail.ru](mailto:yamde_lii@mail.ru)  
[yamdellii@mediamari.ru](mailto:yamdellii@mediamari.ru) (автор-влаклан)  
Сайтын адресше: ямделий.рф

Газетым Кыл, информационный технологий да массовый коммуникаций сферым эскерыме шотышто федеральный службын Юл кундем федеральный округысо управленийыштыже регистрироватлыме. Номер – ПИ № ТУ52-01404, 2023 ий 22 сентябрьыште пумы.

Театрлан курамын кулпытшыже – Марий Эл искусствын сулло деятельке – Василий ПЕКТЕЕВ

6+

8(8362)78-13-78 SHKETA.N.RU

Рекламе.

У конкурс



Звенигово район Поянсола школышто 4-ше классыште тунемше-влак.

# Кайыкым пукшена

Мый Провой кундемысе Поянсола школышто нылымше классыште тунемам. Окружающий мир урокышто пүртүс нерген пеш шуко мутланена. Лидия Аркадьевна, туныктышем, телым кайыкым

пукшаш күлеш манын эре ушештара. Школышто вич кормушкына уло. Тушко эре кочкышым пыште-на. Кайык-влак пеш вучат. Нуным эскераш мыланем келша.


Александр ИСАЕВ.

— Вова, тый ачатым але аватым чүчкыдынрак колышат?




- Авамым.
- Кузе тыге?
- Тудо шукырак кутыра.

Тенгызыште илыше-влакын ұмылыштым кычалза.




Шотлыза.



Шола вельсе сүретым ончен, пурла могырышто цифр-влакым ушыга да чиялтыга.



Куд ойыртетым муза.



Катя ПАВЛОВАН сүретше. Волжский, Сотнур.

Мератлан кочкыш марте миен шуаш полшыга.

